



UNIVERSITÄTS-
BIBLIOTHEK
PADERBORN

**R. P. Sebast. Izquierdo Alcarazensis Soc. Iesv, svpremis
Inquisitionis Senatvs Censoris, Et Olim Complvti SS.
Theologiæ Professoris. Pharvs Scientiarvm**

Izquierdo, Sebastián

Lugduni, 1659

Privilege Dv Roy.

[urn:nbn:de:hbz:466:1-95620](https://nbn-resolving.org/urn:nbn:de:hbz:466:1-95620)

P R I V I L E G E D U R O Y.



L OVIS PAR LA GRACE DE DIEU, Roy de France & de Navarre. A nos Amez & feaux Conseillers les gens tenans nostre Cour de Parlement, Maistres des Requestes ordinaires de nostre Hostel, Baillifs, Seneschaux, Preuosts, ou leurs Lieutenans, & à tous nos Iusticiers & Officiers qu'il appartiendra **SALVT.** Nostre bien amé **CLAYDE BOVRGEAT**, Marchand Libraire de Lyon, nous à tres-humblement remonsté qu'il à apporté d'Espagne les Oeures du R. Pere *Sebastiani Izquierdo Soc. Iesu*, *Pharus omnium Scientiarum mundi*. Auec des autres Liures Manuscrits d'un autre Authheur Espagnol intitulés. *R. P. Ioan. Eusebij Nierembergij Opera Parthenica*, de *Super-eximia & omnimoda puritate Matris Dei*. — euidem Authoris, *Hieromelissa Bibliotheca de Doctrina Evangelij*, *Imitatione Christi*, & *Perfectione Spirituali*. — euidem Auctoris, *Sylua Catechistica*. — euidem Authoris, *Sylloge Axiomatum & Institutionum Spiritualium Christiana Philosophia*. — euidem Authoris, *Succus Prudentie Sacro-politica* per *D. Paulum Antonium de Tarsia*. & euidem Authoris *alia Opuscula Theologica*. Lesquelles Oeures sont de tres-grande erudition, & fruit pour les gens sçauans, comme ayant esté approuvées de plusieurs grands hommes, & ledit Suppliant requiert d'imprimer où faire imprimer lesdites Oeures, s'il nous plaist de luy accorder nos Lettres sur ce nécessaires. A CES CAUSES voulans pour le bien Public fauoriser l'intention dudit Suppliant, NOUS de nos graces speciales luy auons permis & octroyé, permettons & octroyons par ces Presentes, d'imprimer, faire imprimer, vendre, debiter lesdites Oeures, & autres Liures des deux susdits Autheurs par tous les lieux de nostre obeysance par tel Imprimeur, où Libraire qu'il voudra choisir, en vn ou plusieurs volumes, en telles marges & Caractères, & autant de fois que bon luy semblera, durant l'espace de vingt-années entieres & accomplies, à compter du iour que chaque volume sera acheué d'imprimer pour la premiere fois; **ET FAISONS** tres-expresses inhibitions & defences à toutes personnes de quelque qualité & condition qu'elles soyent d'imprimer, où faire imprimer, vendre, ny distribuer durant ledit temps lesdites Oeures cy-dessus mentionnées & autres dedit Autheurs, sous pretexte d'Augmentation, Correction, Rangement de Tiltres, Fausses Marges, où autrement en quelque sorte & maniere que ce puisse estre. **DEFENDONS** mesmes à tous Marchands Libraires & autres qui ne seront nos subiets d'en apporter en ce Royaume de ceux qui pourroient estre imprimez hors d'iceluy, le tout sur peine de trois mille liures d'amande payable sans depost par chacun des contreuenans, & applicable vn tiers à Nous, & vn tiers à l'Hostel-Dieu de Lyon, & l'autre tiers audit Expolant, où autre par luy choisi, & confiscation des Exemplaires contrefaits, & de tous despens, dommages, & interets, à condition qu'il sera mis deux Exemplaires de chacune desdites Oeures en nostre Bibliothèque publique, & vn autre en celle de nostre tres-cher & feal le Sieur Segulier, Cheualier, Comte de Gien, & Chancelier de France, auant que l'exposer en vente, à peine de nullité des Presentes; du contenu desquelles; NOUS vous mandons que vous fassiez iouir & vser pleinement & paisiblement ledit Expolant, & ceux qui auront droit de luy, sans qu'il leur soit fait ny donné aucun empeschement; Voulons aussi qu'en mettant au commencement où à la fin dudit Liure vn Extrait des Presentes, elles soient tenues pour deuëment signifiées & que foy y soit adioustée, & aux Coppies collationnées par vn de nos amez & feaux Conseillers & Secretaires, comme à l'Original. **MANDONS** au premier de nos Huiſſiers où Sergent sur ce requis, de faire pour l'exécution des Presentes tous Exploits nécessaires, sans demander autre permission. **CAR** tel est nostre plaisir, **DONNE** à Lyon, le vingtiesme iour du mois de Decembre, l'an de grace, mil six cens cinquante-huict, & de nostre Regne le seiziesme, signé par le Roy en son Conseil, **CATELAN**, & Scellé du grand Seau de Cire iaune sur simple queue.

INDEX